



**KERATAN AKHBAR
DAN MEDIA ONLINE
UNTUK MAKLUMAN :**

**Y.B. MENTERI
Y.B. TIMBALAN MENTERI
Y.BHG. KSU
Y.BHG. TKSU (PDN)
Y.BHG. TKSU (PUP)
SETIAUSAHA AKHBAR**

13 JULAI 2020 (ISNIN)



KEMENTERIAN PERDAGANGAN DALAM NEGERI
DAN HAL EKRAL PENGGUNA

KERATAN AKHBAR DAN MEDIA ONLINE (KPDNHEP)

13 JULAI 2020 (ISNIN)

Harga ayam bawah RM9 sekilogram

KPDNHEP jamin harga ayam turun bermula Hari Raya Aidiladha nanti

Oleh NOR FARHANA YAACOB

MELAKA

Penternak ayam di negara ini memberi jaminan kepada Kementerian Perdagangan Dalam Negeri dan Hal Ehwal Pengguna (KPDNHEP) untuk menetapkan harga ayam tidak melebihi RM9 sekilogram menjelang Ogos depan.

Timbalan Menteri, Datuk Rosol Wahid berkata, kata sepakat penurunan harga ayam dicapai setelah perbincangan antara pihak kementerian dengan wakil penternak ayam diadakan baru-baru ini.

Menurutnya, jaminan itu sekali gus memberi gambaran bahawa isu harga ayam yang sering timbul menjelang musim



Rosol (tengah) bersama Norhizam (kanan) dan Ismail (kiri) meninjau harga ayam di Pasar Awam MBMB, Bachang semalam.

perayaan tidak akan berlaku pada musim Aidiladha nanti.

“Setakat awal Julai ini, KPDNHEP di seluruh negara mendapati harga ayam telah mula turun sehingga RM8.20 sekilogram.

“Di Terengganu harga ayam pernah mencecah sehingga RM9.60 sekilogram dan menjelang Ogos harga akan turun kerana anak ayam dah boleh dijual sekitar tempoh 35 hari dan bukannya 45 hari.

“Sekarang harga ayam sekitar RM8 sekilogram. Kita dah nampak ada kebenaran apa yang dijanjikan oleh peniaga dan dijangka harga ayam akan turun lagi walaupun menjelang musim perayaan,” katanya.

Beliau berkata demikian ketika program Jelajah Mesra Pasar Awam Majlis Bandaraya Melaka Bersejarah (MBMB) Bachang di sini semalam.

Hadir sama, Exco Perpa-

duan, Hubungan Masyarakat, Tenaga Kerja dan Hal Ehwal Pengguna Melaka, Datuk Ismail Othman; Exco Pertanian, Penternakan, Pembangunan Usahawan dan Koperasi Melaka, Datuk Norhizam Hassan Baktee dan Pengarah KPDNHEP Melaka, Norena Jaafar.

Rosol berkata, kerajaan turut memberi jaminan barangan mentah mencukupi menjelang sambutan Hari Raya Aidiladha akhir Julai ini dalam masa sama menasihatkan pengguna mengambil langkah berjaga-jaga dalam berbelanja.

Dalam perkembangan lain, Rosol berkata, pihaknya juga sedang mencari mekanisme terbaik dalam menyelesaikan isu harga durian melampau termasuk mendapatkan pandangan pakar daripada Kementerian Pertanian dan Industri Makaan.



14 TAHUN #KEKALNEUTRAL

Eight chicken traders probed over profiteering

PUTRAJAYA: The Domestic Trade and Consumer Affairs Ministry has opened investigation papers on eight chicken traders suspected of profiteering. Ministry enforcement director Datuk Iskandar Halim Sulaiman said it involved four public market vendors in Melaka and four wholesalers — one in Melaka and three in Kuala Lumpur. Iskandar said the ministry's enforcement division was attempting to identify the source of the price hike following public complaints about the rise in chicken prices at wet markets. "Up to June 30, 353 premises have been inspected comprising 280 vendors, 50 wholesalers and 23 chicken farmers/rearers." **Bernama**

'Fowl price won't exceed RM9 per kg by August'

MELAKA: The Domestic Trade and Consumer Affairs Ministry yesterday gave an assurance that the price of chicken nationwide will not exceed RM9 per kg by August. Deputy Minister Datuk Rosol Wahid said this after meeting with several industry players who gave an assurance on the matter following reports of a price hike during the Movement Control Order period. He said checks conducted by the ministry until early this month found some traders selling chicken between RM8.20 and RM8.69 per kg. It was previously reported that in Terengganu, prices had gone up to RM10.50 per kg. Two days ago, the ministry confirmed an increase of between 10 sen and RM1.50 per kg for chicken between June 4 and 19.

Bernama

Rosol: Chicken will not exceed RM9 per kg next month

MELAKA: The retail price of chicken nationwide will not exceed RM9 per kg by August, says Deputy Domestic Trade and Consumer Affairs Minister Datuk Rosol Wahid.

This was the assurance given by industry players during a meeting with the ministry recently following the surge in the price of chicken during the movement control order (MCO) period, he said.

However, checks conducted by the ministry until early this month found that some traders were selling chicken for between RM8.20 and RM8.69 per kg, he said after a walkabout to check on prices at the historic Melaka city council public market here yesterday.

Previously, reports went viral that the price of chicken in Terengganu had shot up to RM10.50 per kg.

Two days ago, the ministry confirmed that there was an increase of between 10 sen and RM1.50 per kg for chicken during the period of June 4 to 19.

Rosol said the prices of essential goods would continue to be monitored, especially ahead of the Aidiladha celebration at the end of this month.

On the high price of durian, Rosol

said the ministry was looking for the best way to resolve the issue, including obtaining views from Agriculture and Food Industries Ministry.

“We will discuss how to control the prices of durian as there are many varieties of the fruit, such as the D24, Udang Merah, Beserah, Musang King and IOI,” he said.

— Bernama



Ayam yang diternak boleh mula dijual sekitar usia 35 hari dan bukannya 45 hari. Sekarang, harga ayam sekitar RM8 sekilogram dan kita nampak ada kebenaran dengan apa yang dijanjikan oleh golongan peniaga.

Rosol Wahid,
Timbalan Menteri
Perdagangan Dalam Negeri
dan Hal Ehwal Pengguna

'Harga ayam tidak lebih RM9 sekilogram'

KPDNHEP, wakil penternak capai kata sepakat

Oleh Amir Mamat
bhnews@bh.com.my

Melaka: Kementerian Perdagangan Dalam Negeri dan Hal Ehwal Pengguna (KPDNHEP) memberi jaminan harga ayam di pasaran runcit tidak akan melebihi RM9 sekilogram menjelang Aidiladha ini.

Timbalan Menteri, Datuk Rosol Wahid, berkata ia susulan persepakatan yang dicapai di antara kerajaan dengan wakil penternak ayam menerusi perbincangan baru-baru ini.

"Setakat awal bulan ini, pegawai KPDNHEP di seluruh negara mendapati harga ayam sudah mula turun sehingga RM8.20 sekilogram. Contoh di Terengganu, harga ayam pernah mencecah RM9.60 sekilogram dan menjelang Ogos, harga akan turun.

"Ayam yang diternak boleh mula dijual sekitar usia 35 hari dan bukannya 45 hari. Sekarang, harga ayam sekitar RM8 sekilogram dan kita nampak ada kebenaran dengan apa yang dijanjikan oleh golongan peniaga," katanya.

Beliau berkata demikian selepas program tinjauan mesra di Pasar Awam Majlis Bandaraya Melaka Bersejarah (MBMB) di Bachang, di sini, semalam.

Yang hadir sama, EXCO Perpaduan, Hubungan Masyarakat, Tenaga Kerja dan Hal Ehwal Pengguna negeri, Datuk Ismail Othman; EXCO Pertanian, Penternakan, Pembangunan Usahawan dan Koperasi, Datuk Norhizam Hassan Baktee dan Pengarah KPDNHEP Melaka, Norena Jaafar.

Rosol turut memberi jaminan bekalan barangan mentah mencukupi menjelang sambutan hari raya korban akhir bulan ini dan menasihatkan pengguna mengambil langkah penjimatan dalam setiap urusan berbelanja.

Sementara itu, beliau berkata, KPDNHEP Melaka terus menjalankan aktiviti pemeriksaan di

seluruh negeri bagi memastikan barang keperluan asas pengguna sentiasa mencukupi dalam tempoh Perintah Kawalan Pergerakan Pemulihan (PKPP) ini.

Sejak 1 Januari hingga Jumaat lalu, katanya, sebanyak 10,705 premis perniagaan diperiksa meliputi semua lapisan perniagaan iaitu peruncit, pemborong, pengilang dan peladang.

Beliau turut memaklumkan, KPDNHEP negeri menerima sebanyak 511 aduan rasmi yang rata-ratanya berkaitan harga.

"Sehingga semalam, sebanyak 162 kes berjaya diselesaikan membabitkan nilai rampasan berjumlah RM499,060.17.

"Selain itu, 74 notis mengikut Seksyen 21, Akta Kawalan Harga Dan Antipencatutan (AKHAP) 2011 dikeluarkan bagi mendapatkan maklumat perihal harga disyaki berlaku pencatutan," katanya.

Beliau meminta pengguna yang ingin membuat aduan berkaitan Kementerian itu, menghubungi Pusat Arah Penguatkuasaan (ECC) KPDNHEP Putrajaya di talian 03-88826088.